




越調小桃紅

寄鑑湖諸友

一城秋雨豆花涼  
閑倚平山望不似年時鑑湖  
上錦雲香採蓮人語  
荷花蕩西風鴈行清溪漁  
唱吹恨入滄浪

贈琵琶妓王氏

舞腰回雪臉舒霞  
席上人如畫  
壓柳欺梅舊聲  
價弄琵琶風流不似明妃嫁  
金樽翠斝玉纖羅帕  
同醉鳳城花



憶疎齋學士郊行

飛梅和雪灑林梢花落春顛倒驢背敲詩暮寒  
峭路迢迢相逢不滿疎翁笑寒郊瘦鳥塵衣風  
帽詩在瀟陵橋

春思

倚闌花影背東風暗解清宵夢舞扇歌衫與誰  
共恨忡忡一春愁壓眉山重燈花玉蟲羅屏金  
鳳殘月小簾櫳

鑑湖夜泊

鑑湖一曲水雲寬鴛錦秋成段醉舞花間影零  
亂夜漫漫小舟只向西林喚仙山夢短長天月  
滿玉女駕青鸞

離情

幾場秋雨老黃花不管離人怕一曲哀絃淚雙  
下放琵琶挑燈羞看圍屏畫聲悲玉馬愁新羅  
帕恨不到天涯

山中

一方明月杏花壇劍氣霞光爛回首蓬萊自長

張小山小令卷一  
嘆佩秋蘭黃精已勾山中飯勞心又懶干名不  
慣歸伴野雲閑

夜宴二曲

砌金羅扇當花戔醉草湘妃怨曲曲闌干錦屏  
面小壺天花花按舞六么遍寒玉響泉香風深  
院明月十三絃  
翩翩白鷺伴詩癯船繫青山暮一曲瑤箏寫幽  
素夜何如飛吟亭上神仙路瓊樓玉宇白雲紅  
樹月冷洞庭湖

淮安道中

一篙新水綠於藍柳岸漁燈暗橋畔尋詩駐時  
暫散晴嵐依微半幅雲烟淡楊花亂糝扁舟初  
纜風景似江南

夜景

錦鴛偷占藕花汀花影涵秋鏡人倚闌干歎孤  
另掩圍屏傷心眼見秋成病月明弔影風清遣  
興玉手寄銀箏

秋夜

張小山小令卷一  
越調小桃紅

張小山小令卷下  
滿庭落葉響哀蟬秋入生綃扇池上芙蓉錦成  
片雨餘天倚闌只欠如花面詩題翠牋香消金  
釧羅帳久孤眠

遊仙夢

白雲堆裏聽松風一枕遊仙夢相伴瓊姬玉華  
洞錦重重覺來香露吟衣重長橋綵虹空臺丹  
鳳花影月明中

秋感

錦書紅淚兩三行血點花梢上小字平安寄無

恙鴈成雙玉奴更上西樓望月明繡窗燈昏羅  
帳今夜夢才郎

寄王千戶

紫簫聲冷彩雲空十載揚州夢一點紅香錦  
衢倚東風驕花寵柳春權重鞭催玉驄酒攜金  
鳳半醉月明中

春深

一江烟柳鎖春宵添得楊花鬧盼煞歸舟木蘭  
棹水迢迢畫樓明月空相照今番瘦了多情知

張小山詩集卷下  
道寬盡翠裙腰

秋江晚興

錦鴛涼羽翠蓮香  
船艤秋江上  
別後佳人想無恙  
暮雲長鴈歸  
曾倚西樓望  
紅衫舊腔花鈿新  
樣封寄柳枝娘

湖上和劉時中二首

一聲嬌燕綠楊枝  
滿眼尋芳事  
塔影雷峯水邊寺  
夕陽時畫船無數  
圍花市  
三絃玉脂雙鈎草  
字題贈粉團兒

棹歌驚起錦鴛鴦  
開宴新亭上  
詩有新題酒無量  
醉何妨  
長吟笑倚闌干望  
西湖夜涼吳姬低  
唱畫舫宿荷香

柳營曲

卽塞兒令

九日

過柳洲喚蘭舟長空鴈聲啼暮愁樽俎風流笑  
語溫柔乘興兩三甌帶黃花人倚紅樓整烏紗  
自笑白頭歸期何太晚醉舞老來羞幽誰唱楚  
天秋

遊春二曲

蕤絳紗按紅牙金鞍半欲玉面馬仙洞青霞老  
樹烏鴉山一點暮天涯翠交加夾竹桃花錦糝

張小山小令

卷下

柳營曲

望

張小山小令卷一  
湖照水山茶鬪竿兒喬傀儡艦船上小琵琶他  
醉臥美人家

錦水牋繡鞍韉曲江醉題三墜鞭簾底嬋娟月  
下姻緣此地遇神仙有花有酒梁園無風無雨  
春天盈盈小玉梅穩穩戩金船偏收向斷橋邊  
湖上春行

桃雨晴柳風輕西湖六橋如畫屏巖溜泠泠樵  
斧丁丁松下倚山僧陳朝老檜重築蘇堤漁唱  
新聲竹闌金鎖碎花貌玉娉婷行同上冷泉亭

晚涼

玳瑁筵鷓鴣天一篇六么十四絃石漱冰泉月  
滿瓊田歌舞鬪嬋娟並頭湖上白蓮雙飛花下  
紅鷓畫圖金地山粉黛玉天仙船移向柳陰邊

春晚次韻

紅漸稀綠將肥一聲杜鵑殘夢裏踏雪尋梅看  
到荼蘼猶自怨春遲錦雲中翠遶珠圍碧天邊  
玉走金飛安樂窩人未醒森羅殿鬼相隨催唱  
不迭醉扶歸



題情

綠柳陰翠簾深美人圖畫中不似恁當日相尋  
出語知音想像到如今墜烏雲席上瓊簪動清  
風花下瑤琴珮環聲真洛浦水月面活觀音心  
寄一曲白頭吟

春愁

驪鳳翹泣鮫綃一團愁喫泝在心上了烟冷香  
消月悴花憔悴難度可人宵想合歡繡扇親描記  
同心羅帕輕拋塵生白象版聲斷紫鸞簫焦無

夢到藍橋

席上二曲

呆荅孩守書齋小冤家約定窮秀才踏遍蒼苔  
溼透羅襪不見角門開碧桃香春滿天台綵雲  
深人在陽臺漏聲催金鼓月影轉瑤階猜燒罷  
夜香來

斂翠娥溫香羅病懨懨爲誰憔悴我啞謎猜著  
冷句調酸便知道待如何阻牛郎萬古銀河滄  
藍橋千丈風波偷工夫來戲你說破綻儘由他

張小山小令卷下  
哥越間阻越情多

釣臺

紅紫場利名鄉望高臺倚空烟樹蒼不戀朝章  
歸釣夕陽白眼傲君王客星犯半夜龍牀清風  
占七里魚邦荒烟閉草堂秋月浸桐江光千古  
照滄浪

明月樓二曲

玉斧磨錦雲窩闌干四時秋意多畫棟峩峩丹  
桂婆娑車馬鬧鳴珂鬪嬋娟光漾銀河立娉婷

香捧金波唐明皇遊廣寒李謫仙問姮娥他不  
醉待如何

我志誠你胡伶一雙兒可人雁道撐鬪草踏青  
語燕啼鶯引動俏魂靈繡窗前殘酒爲盟花陰  
下明月知情寶香寒靜悄悄羅襪冷戰兢兢曾  
直等到二三更

元夜卽事

衲衲窄弟兄猜十朝半旬不上街燈火樓臺羅  
綺裙釵誰想見多才倚朱簾紅暎香腮步金蓮

塵汚弓鞬眉尖上空受用心事裏巧安排來同  
話小書齋

閨思

隔粉牆付香囊一團兒志誠誰信道  
誰信道月淡西廂雲冷高唐  
獨自的悞春光花明柳暗生香鶯  
來燕去成雙  
嗩末聲離繡牀躡著脚步回廊  
娘何處也畫眉郎

春情

沒亂殺怎禁他綠楊陰那搭兒堪繫馬  
烟冷香

鴨月淡窗紗擎著淚眼巴巴媚春光  
草草花花惹風聲盼盼茶茶合琵琶  
歌白雪打雙陸賭流霞  
嗒醉了也不來家

妓怨三曲

洛浦仙麗春園不知音此身誰可憐  
大姆埋冤李老熬煎則爲養家錢  
哆著口不斷頑涎腆著臉待喫癡  
拳禁持向歌扇底儂恹在繡牀前  
天只不上販茶船

緣分薄是非多展旗幟硬併倒十數合喫緊的

板障婆婆水性嬌娥愛他推磨小哥哥腆著臉  
不怕風波睜著眼撞入天羅雄糾糾持劍戟  
磕下鐵鑊呵情愿將風月擔兒那

隱姓名怕風聲望天長地久博個志誠柳下私  
情月底深盟一步步惜惺惺崔夫人賺殺張生  
馮員外買斷蘇卿他山障他短命您窰變您薄  
情聽休想有前程

閨怨三曲

燒好香告穹蒼行行步步只念想淚眼汪汪烟

水茫茫芳草帶夕陽雕鞍去了才郎畫堂別是  
風光巴的頓開金鳳扇損得扯破錦鴛鴦吉丁  
當拈損玉螳螂

錦繡圍翠紅堆當初有心直到底雙宿雙飛無  
是無非不許外人知眼睜睜指甚為題意懸懸  
爲你著迷有情窺宋玉沒興撞王魁吓罵你個  
負心賊

相愛憐惡姻緣雲迷武陵仙路遠塵暗朱絃墨  
淡銀牋青草曲江邊俏元和花了閑錢病相如

張小山小令卷下  
潮過頑涎梅窗宜靜坐紙帳稱孤眠天休放月  
團圓

鞦韆

住管絃打鞦韆花間美人圖畫展翠髻微偏錦  
袖輕揎羅帶起翩翩釧玲瓏響亞紅綿汗模糊  
溼褪花鈿綠烟濃春樹底綵雲散夕陽邊天吹  
下肉飛仙

感舊

曾此中記行蹤桃花去年人面紅門閉重重春

去匆匆何日再相逢眉尖誰畫晴峯唾痕猶點  
香絨後視金落索鸞鳳玉丁東空塵滿繡簾櫳

宮詞

添晚妝過回廊吉丁一聲環珮響泛羽流商走  
竿飛觴笑語間笙簧廣寒宮舞罷霓裳博山爐  
薰透龍香碧梧枝白鳳凰翠荷葉錦鴛鴦涼人  
倚月昏黃

吳山塔寺

詩眼明暮山青倚高寒滿身風露冷月輦聞箏

水殿鳴笙想像御街行寶光圓白繖珠璣玉花  
寒碧盃酥燈西天佛富貴南國樹凋零僧同上  
望江亭

嘉禾道中

白鷺鷥黑鷓鴣晴烟遠山橫暮紫消得新詩竚  
立多時籬落掩茅茨浣沙女斜插花枝打漁翁  
獨棹船兒夕陽邊雲淡淡小橋外柳絲絲思當  
日送春詞

觀雙陸

閑錦笙罷瑤箏花陰半簾春晝永鬪草無情睡  
又難成佳配兩相停手初交弄玉拈冰步輕那  
望月瞻星雙敲象齒鳴單走馬蹄輕羸夜宴錦  
香亭

山中

寡見聞樂清貧逍遙百年物外身麋鹿相親巢  
許爲隣仙樹小壺春住青山遠却紅塵挂烏紗  
高臥白雲杏花村沽酒客桃源洞打魚人因閑  
問話到柴門

憶別

花見羞淚凝眸別時語言不應口柳下秦謳馬  
上吳鉤何處寄風流五湖范蠡漁舟西風季子  
貂裘青鸞遲遠信白鴈報新秋愁懶上小紅樓

道士王中山操琴

傍綠陰解塵襟婆娑小亭深又深軫玉徽金霞  
佩瓊簪一操醉翁吟野猿啼雪滿遙岑元鶴鳴  
風過喬林休彈山水興難洗利名心尋何處有  
知音

鑑湖卽事

枕綠莎眇庭柯門前鑑湖春始波白髮禪和墨  
本東坡相伴住山阿問太平風景如何嘆貞元  
朝士無多追陪新令尹邂逅老宮娥歌驟雨打  
新荷

山中分韻得聲字

犯帝星動山靈怪當年釣魚嚴子陵塵世逃名  
清水濯纓笑我問長生駕青牛自取丹經換白  
鵝誰寫黃庭烟籠燒藥火月伴看書燈聽林外

起秋聲

次韻懷古

寫舊遊換新愁玉簫寒酒醒江上樓黃鶴磯頭  
白鷺汀洲烟水共悠悠人何在七國春秋浪淘  
盡萬古風流隋堤猶翠柳漢土自鴻溝休來往  
愧沙鷗

西湖秋夜

九里松二高峯破白雲一聲煙寺鐘花外嘶驄  
柳下吟篷笑語散西東舉頭夜色濛濛賞心歸

宮  
興匆匆青山銜好月丹桂吐香風中人在廣寒

湖上春晚

怕酒樽殢詩魂帕羅輕粉香揉淚痕細雨紛紛  
綠水粼粼湖上馬蹄塵世間有萬古青春花前  
換幾度遊人醉煞劉伯倫瘦損沈休文紅杏村  
杜宇怨黃昏

鑑湖上尋梅

賀監宅放翁齋梅花老夫親自栽路近蓬萊地



遠塵埃清事惱幽懷雪糝糊小樹莓苔月朦朧  
近水樓臺竹籬邊沽酒去驢背上載詩來猜昨夜  
一枝開

春晚

點落英掩閉庭海棠軒半簾紅日影纖手瓊瓊  
嬌語鶯鶯睡起對銀箏柳花牋閑寫芳情荔枝  
漿微破春醒淺斟白玉杯底唱紫雲亭輕彈一  
曲賣花聲

憶鑑湖

畫鼓鳴紫簫聲記年年賀家湖上景競渡人爭  
載酒船行羅綺越王城風風雨雨清明鶯鶯燕  
燕關情柳擎和淚眼花墜斷腸英望海亭何處  
越山青

舟行感興

愁鬢斑怕春殘錦衣買臣何日還好夢邯鄲別  
淚陽關幾度盼征鞍爲虛名消盡朱顏掩孤篷  
羞見青山磯頭煙樹暖鷗外野雲閑難能勾釣  
魚竿

春思二曲

曲未終酒方濃雲收楚臺十二峯洗雨梳風怨  
玉啼紅別意恨匆匆話相思鸚鵡金籠載離愁  
驪裏花驄長天秋水遠落日暮山重空簾捲畫  
堂中

喜又驚笑相迎倚湖山露華羅袖冷誰慣私行  
怕負深盟偷步錦香亭尋尋覓覓風聲潛潛等  
等芳情粉牆邊花弄影朱簾下月籠明輕吹滅  
短檠燈

次韻

你見麼我愁他青門幾年不種瓜世味嚼蠟塵  
事團沙聚散樹頭鴉自休官清煞陶家爲調羹  
俗了梅花飲一盃金谷酒分七碗玉川茶啖不  
強如坐三日縣官衙

題昭君出塞圖

辭鳳閣盼灤河別離此情將奈何羽蓋戔戔虎  
皮馱馱鴈遠暮雲闊建旌旗五百沙陀送琵琶  
三兩宮娥翠車前白橐駝雕籠內錦鸚哥他強

似馬嵬坡

小隱

種藥田小壺天伴陳搏野雲深處眠學會神仙  
老向林泉今日是歸年蘆花絮暖勝毳氈木香  
亭大似漁船曲欄邊鶯覘小池上鷺嬋娟先  
收拾下買山錢

湖上避暑

新雨晴晚涼生照芙蓉玉壺秋水冷殢酒餘醒  
題扇才情避暑小紅亭鴈雲低銀甲彈箏蔗漿

寒素手調冰鴛鴦情未減蝴蝶夢初醒驚何處  
棹歌聲

三月三日書所見

艤畫船駐絲鞭問誰家麗人簇管絃柳媚芳妍  
花比嬋娟風韻出天然牡丹亭畔鞦韆菜珠宮  
裏神仙三月三日曲水邊一步一朵小金蓮穿  
芳徑墜花鈿

春思

想故人暗銷魂闌干舊時無限春笑語云云圖

畫真真一朵楚臺雲怪桃根翠袖羅裙伴梅花  
檀版金樽瘦驚腰四指愁墮淚雙痕噴風雨送  
黃昏

紅葉

遠樹重曉霜濃染千林夜來何處風笑我衰翁  
酒借春容暮景嘆匆匆錦模糊費盡天工字慙  
懃流出皇宮蕭蕭秋雨後片片夕陽中空畱得  
繡芙蓉

送別

鸞鏡單鳳簫閑寒衣問君何日還白玉連環斑  
竹闌干回首淚偷彈翠模糊十二巫山玉娉婷  
一曲陽關芙蓉城殘月落楊柳岸曉風寒起愁  
上寶雕鞍

天淨沙

書懷二曲

香奩名滿青樓羽衣人在黃州羅帕春寒素手  
壯懷依舊水聲淘盡詩愁  
白頭多病維摩青天孤影姮娥相對良宵幾何  
玉人畱坐鶯花十二行窩

閨怨

檀郎何處忘歸玉樓小樣別離十二闌干徧倚  
犬兒空吠看看月上茶蘼

春夜

深杯香捧金橙哀絃聲斷銀箏寶鼎沉香火冷  
主人畱聽紫雲娘白雪新聲

梅友元帥席上

玉人笑撚瓊枝白頭醉寫烏絲簾外新來燕子  
海棠春思倚闌睡醒環兒

梅友席上

瓊瓊竹外橫枝眞眞月下吟詩誰寄東風半紙  
爲傳心事梅花害雪多時

憶西湖

燈寒夜雪孤篷山空曉霧疎鐘花裝春風瘦筇  
六橋春夢景題畱與吟翁

馬謙齋園亭

簪纓席上團圓杖藜松下盤桓噴玉西風脆管  
雪芳亭畔秋香一樹金丸

雪中酬和

遙園樹老瓊枝玉奴酒捧金卮十二闌干倚徙  
探梅人至瀟橋詩等多時

張小山全集卷下  
春情

一言半句恩情三番兩次丁寧萬劫千生誓盟  
柳衰花病春風何處鶯鶯

明月樓有贈

意中千里嬋娟樓頭幾度團圓燈下些兒空便  
柳驚花顫何時長在樽前

由道院來杭

丹爐好養硃砂洞門長掩青霞又上西湖去馬  
放心不下桃源亭上梅花

寒夜

月移影落冰池烟消香護簾衣枕上佳人未知  
雪篝重被小梅招得春歸

桃源洞

蒼雲朵朵奇峯翠蓬隱隱仙宮醉眼簾花幾重  
小桃溪洞劉郎不信秋風

春晚

翠簾不捲鈎閑華堂長見門關血指頻將淚彈  
玉人愁慣杏花樓上春殘

秋感

翠萍波底遊魚碧  
梧井上啼鳥獨立西  
風院宇  
相思何處芭蕉一卷愁書

探梅

昨朝深雪前村今宵淡月黃昏  
春到南枝幾分水香冰暈喚回  
逋老詩魂 此曲查非小山作

魯卿庵作

青苔古木蕭蕭蒼雲秋水迢迢  
紅葉山齋小小  
有誰曾到探梅人過溪橋

赤松道宮

松邊香煮雷芽杯中飯  
糝胡麻雲掩山房幾家  
弟兄仙話水流玉洞桃花

分得詩字

月香水影梅枝晴光雨色坡  
詩點檢千紅萬紫  
年年春事西湖強似西施

湖上送別

紅蕉隱隱窗紗朱簾小小  
人家綠柳匆匆去馬  
斷橋西下滿湖烟雨愁花



重遊感舊

迷香小洞維舟題紅老葉沉溝濯錦寒花對酒  
六橋依舊遊人兩鬢經秋

孤山雪夜

淡妝人在羅浮黃昏月上西湖翠袖翩翩起舞  
倚闌索句雪中樹老人孤

晚步

吟詩人老天涯閉門春在誰家破帽深衣瘦馬  
晚來堪畫小橋風雪梅花

元夕

金蓮萬炬花開玉梅千樹香來燈市東風暮靄  
綵雲天外素綃人倚瑤臺

清明日郊行

碧桃花下簾旌綠楊影裏旗亭幾處鶯呼燕請  
馬嘶芳徑典衣索飯清明

月夜

倚闌月到天心隔牆風動花陰一刻良宵萬金  
寶箏閑枕可憐少箇知音

浮雪樓夜坐

月明今夜闌干雲深何處關山萬里青天醉眼  
倚樓長嘆柳陰閑殺漁竿

江上

嗚嗚落鴈平沙依依孤鶩殘霞隔水疎林幾家  
小舟如畫漁歌唱入蘆花

凭闌人

暮春二曲

萬朵青山生暮雲數點紅香畱晚春凭闌愁玉  
人對花寬翠裙

小玉闌干月半招嫩綠池塘春幾家鳥啼芳樹  
了燕銜黃柳花

卽事

一曲琵琶江上舟十二闌干天外樓粉香蝶也  
愁玉容花見羞

和秋思

一寸冰蟾明翠廊萬里青天書鴈行碧梧敲晚涼  
涼玉人燒夜香

和白玉真人二曲

寶劍英雄血已乾玉府神仙心自閑鍊霞成大丹  
袖雲歸故山

玉手攜香羅帕乾粉面粘花妝鏡寒對樓千萬  
山倚雲十二鬟

湖上醉歸二曲

明月中流歌扣舷柔雪雙娃同采蓮小詞玉翼  
蟬醉書金粉牋

屏外微風蘭麝飄簾底學言鸚鵡嬌暖香繡玉  
腰小花金步搖

席上分題

妝淡亭亭堆髻螺歌緩盈盈停眼波念奴畱意  
多使君如醉何

湖上二曲

遠水晴天明落霞古岸漁村橫釣艇翠帘沽酒

張小山小令卷下  
家畫橋吹柳花

二客同遊過虎溪一徑無塵穿翠微寸心流水  
知小窗明月歸

春夜

燈下愁春愁未醒枕上吟詩吟未成杏花殘月  
明竹根流水聲

春思三曲

鶯羽金衣舒晚風燕嘴香泥沾亂紅翠簾花影  
重玉人春睡濃

春柳長亭傾酒罇秋菊東籬灑淚痕思君不見

君倚門空閉門

簾外輕寒歸燕忙橋下殘紅流水香遊人窺粉  
牆玉驄嘶綠楊

江夜

江水澄澄江月明江上何人搗玉箏隔江和淚  
聽滿江長嘆聲

漢東山

感迷一韻十曲不知屬何調因錄於後

騎鯨滄海波高枕白雲窩人生夢南柯睡覺來  
也末哥積玉堆金待如何田地闊兒女多惹爭  
奪

西村小過活老子自婆婆娑千家飯一鉢飽了人  
也末哥紫綬金章鬧呵呵不如我芳草坡釣魚  
養

綠袍翻敗荷醉後自磨跣市上小兒多要錢也

末哥暮四朝三笑呵呵藍采和沒奈何假風魔  
紅妝間翠娥羅綺列笙歌重重金玉多受用也  
末哥二鬼無常上門呵怎地趨索其他見閻羅  
香風瑞錦窠涼月素銀波蘭舟夜如何晚涼也  
末哥萬頃湖光鏡新磨小玉娥隔翠荷採蓮歌  
黃沙白橐駝玉勒紫金珂一簇小宮娥送了他  
也末哥馬上琵琶爲誰撥到黑河將奈何淚痕  
多

霓裳舞月娥野鹿起干戈百年長恨歌鬧了也

末哥萬馬千軍早屯合走不脫那一塌馬嵬坡  
烟花暗綺羅車馬鬧鳴珂樽前皓齒歌醉殺人  
也末哥閉月羞花賽嫦娥那老婆送了他鄭元  
和

神仙張志和一棹鼓滄波中流扣舷歌快活也  
末哥杜酒新鴛鴦魚活湖海闊烟雨多暗漁蓑  
黃庭換白鵝夜冷飯牛歌湖上月明多受用也  
末哥紙帳梅花病維摩奈老何學坐鉢做工課

張小山小令後序

予自遊鄉校讀書有餘力則以學詞詞獨愛張  
小山之作以其超出塵俗不但癯勁而已當時  
苦於無書止有楊朝英所集太平樂府及檢舊  
篋又得陽春白雪集及百一選曲兩種既登仕  
籍書可廣求矣然惟詞書難遇以去元朝將二  
百年抄本刻本多散亡洪武初年親王之國必  
以詞曲一千七百本賜之對山高祖名汝楫者  
曾爲燕邸長史全得其本傳至對山少有存者

張小山小令  
人言憲廟好聽雜劇及散詞搜羅海內詞本殆  
盡又武宗亦好之有進者卽蒙厚賞如楊循吉  
徐霖陳符所進不止數千本今空詞曲少而小  
山者更少也京師積書家如李蒲汀沈竹東詞  
書成編者不過十餘部其小山詞載在樂府羣  
珠詩酒餘音者僅有數十曲他所更得仙音妙  
選樂府羣玉樂府新聲則有助於小山多矣可  
惜類詞有小山半冊廖洞野取去堅不復出而  
普集元詞在鄒平崔臨溪者小山詞獨有一冊  
以負累逋逃不知所之今所編次雖成上下二  
冊每樣曲終鏤板不剔空以待博學君子詞山  
曲海不惜寄示必有以增其所未高而濬其所  
未深云

季冬蜡日中麓再書



易山

朝  
藏  
書  
印

